

Vestis amans cultum, promptissima¹ pingere vultum,
Stulta sequens stultum nocet uxor adultera multum.
Hiis, qui sunt casti, requiem², pie Christe, parasti.

Corde dole tristi, quia lapsus es et cecidisti:
Gracia te Christi vocitat, quam deseruisti. 100

Si sapiens esses, prelatis sponte subesses;
Multum prodesse, bona si faceres nec obesses.
Collige — ne cesses — estivo tempore messes!
Tu tibi³ prodesse, aliis quoque, si probus esses.

Cura malum nolle tua sit, nec tangere molle! 105
Arma precum tolle! virtutum lumine polle!

* Vive⁴ deo vinctus, lacrimarum flumine tinctus,
* Iusticia cinctus⁵; tua mens resplendeat intus!
* Carmine qui flores, precor, ut speculeris et ores,
* Pro culpis plores virtutis adeptus odores. 110

Crebro⁶ delinquis⁷, tua nec peccata relinquis⁷:
Dimittes, inquis⁸, penis cruciando⁹ propinquis¹⁰!

Quidquid¹¹ contingat, tua membra modestia cingat!
Linguam restringat¹², ut non mendacia fingat!

Dum potes, evade fugiens a perpete clade! 115
Illacrimando¹³ made¹⁴! celer ad celestia vade!

* Publicus¹⁵ est rumor, quod te Veneris vorat humor;
* Factus es exul ter, quod in urbe vagaris adulter.
* Solus et indocte secreta pergere nocte
* Audes¹⁶ cum telo: tua crimina flendo revelo. 120
* Tu non corrigeris maiores nec revereris;
* Dampnari queris: es factus fabula cleris.
* Odis doctorem; correctio deteriore
* Te facit et mestum, quoniam cor habes inhonestum.
* Inter¹⁷ lenones procuras seditiones; 125
* Sanari verbis nequit¹⁸ hec tua plaga nec herbis:

1) 'promptissima' L. 2) 'requie' L; 'requiem' aus 'regem' korr. durch Radieren und übergeschriebenes i G. 3) 'tibi' auf doppelt so grosser Rasur G. 4) V. 107—110 fehlen G. 5) 'Iusticie tinctus' P. 6) 'Crebo' P. 7) '-mq-' an allen vier Stellen G. 8) 'iniquis' P. 9) 'cruciande' G. 10) 'propinquis cruciando' L, aber durch Zeichen richtig gestellt. 11) 'Quicquid' LP. 12) 'refringat' LP. 13) 'In lacrimando' G, -o auf Rasur. 14) 'made' auf Rasur G. 15) V. 117—145 fehlen G. 16) 'Audens' P. 17) 'Stans inter' LP. 18) 'nequid' LP.